



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Theologia Moralis

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1714**

Q. 37. Quid notandum sit circa Matrimonium, quod inter absentes contrahitur.

**urn:nbn:de:hbz:466:1-42682**

imò putant aliqui, quamvis damnum causatum esset puellæ, deceptorem non teneri hoc resarcire, determinatè eam ducendo, sed satis esse, si aliter, v.g. augendo dotem. Oppositum probabilius tenent alii cum Pontio l. 2. c. 5. n. 5. secundum illa, quæ dixi à n. 69. Et probat pluribus Kugl. à n. 72. etiamsi uterque dicat se fictè consensisse, eis non credi pro foro externo, quia præsumitur in favorem Matrimonii & prolium.

Q. 37. Quid notandum sit circa Matrimonium, quod <sup>258.</sup>

inter absentes contrahitur. R. §. 1. Inter absentes potest contrahi Matrimonium, imprimis per procuratorem, uti constat ex Can. Honorantur, c. 1. q. 2. & Cap. fin. De procurat. in 6. Deinde per litteras, uti habetur L. Mulierem ff. De ritu nuptiar. & L. Sufficit ff. De sponsal. nec ullibi improbat Jus canonicum, quidquid contradicat De Luca ad Trid. d. 26. nu. 29. Denique per nuncios. Ratio universalis est, quia etiam alii contractus possunt istis modis fieri inter absentes, & in ordine ad contractus potest quis per alium, quod potest facere per seipsum; item, qui facit per alium, est perinde, ac si faciat per seipsum, Reg. 68. & 72. Jur. in 6.

§. 2. Cap. fin. De procurat. in 6. sic statuitur: <sup>259.</sup>

Procurator non aliter censetur idoneus ad Matrimonium contrahendum, quam si ad hoc mandatum habuerit speciale, & quamvis aliàs is, qui constituitur ad negotia procurator, alium dare possit, in hoc tamen casu non poterit procurare alium, nisi hoc idem specialiter sit commissum. Unde requiritur, imprimis actus ipsius principalis, qui mandet procuratori, ut suo nomine contrahat cum certa persona, uti habet communis cum Krim. n. 564. quamvis Cón. & Avers. q. 3. l. 5. putent sufficere, si mandarit etiam genera-

neraliter cum illa, quam procurator elegerit nec opus est, ut hoc mandatum fiat coram Parocho & testibus. Deinde requiritur actus procuratoris exprimentis eoram Parocho & testibus consensum sui principalis per hæc vel æquivalentia verba, *Titus accipit Cajam in uxorem mediante me: Cajo accipit Titium in virum mediante me* &c. Putantque *Led. & Sanch.* sola verba principalis spectare ad essentiam hujus Sacramenti sed *Hurt. Mastr. Pont. l. 1. c. 10. n. 6. Avers.* supra dicunt etiam verba procuratoris spectare ad essentiam, quia his solis sublatis mandans non censetur sufficienter in ordine ad hunc contractum manifestare suum consensum: nec inde requiritur procuratores esse partialiter Ministros aut debere esse in statu gratiæ, quia non agunt nomine suo sed principalium, adeoque actus procuratorum reputatur esse actus principalium.

260. §. 3. Si principalis esset factus perpetuus mens eo tempore, quo per procuratorem completur contractus, *Pontius, Lugo De Sacram. d. 1. n. 108. Diana, Aversa f. 6.* dicunt Matrimonium fore invalidum, quia sicuti mandatum expirat morte mandantis, ita videtur expirare mandante facto furioso vel amente, uti habetur *Qui servum n. 47. & L. Si quis alicui 48. ff. De acquir. hæredit. & observat Molin. De just. tom. d. 552. E. contra Sanch. Henriq. Cón. Bonac. De Sacram. d. 19. à n. 34.* dicunt valere, sicut valet Baptismus & absolutio data lapsa in insaniam: nec simile est de morte & amentia maximè cum amens maneat aptus copulæ & generationi, qui est finis Matrimonii.

261. §. 4. Si principalis etiam internè tantum

vocet consensum, antequam procurator officium suum expleverit, Cap. fin. De procur. in 6. sic dicitur: *Sane si procurator, antequam contraxerit, a Domino fuerit revocatus, contractum postmodum Matrimonium ab eodem ( licet tam ipse, quam ea, cum qua contraxerit, revocationem huiusmodi penitus ignorent ) nullius momenti existit, cum illius consensus defecerit, sine quo firmitatem habere nequivit. Et ratio est, quia nec Jus, nec Ecclesia in hoc contractu possunt supplere consensum in traditionem corporum, quorum dominium non habent, quamvis possint & sæpe suppleant in aliis contractibus circa res temporales, quarum dominium altum est apud Principem vel Rempublicam. Quod si prius volueris, postea revoces, & iterum consentias, antequam procurator mandatum expleverit, valebit Matrimonium, quia prior consensus moraliter rediit, & adest, quando contrahitur, Sanch. Krim. n. 565.*

§. 5. Si fidei consensisti, quando mittebas procuratorem, sed postea ferio consentias, quando ille mandatum exequitur, *Henriq. & Sanch. dicunt valere, quia tum adest consensus requisitus. Con. Spor. Krim. n. 564. probabilius dicunt non valere, quia, cum constitutio procuratoris initio fuerit nulla, & ipse ex vi illius agat, agit ex nulla potestate, neque est verus procurator, neque agit nomine alterius, cum non acceperit commissionem. Attamen fatentur, quod per quemcunque consensum consequentem & actum, quo postea tractat conjugem ut suam, confirmetur Matrimonium.*

§. 6. Procurator potest esse diversi sexus ab illo, nomine cuius contrahit, unde potest foemina contrahere pro viro, agit enim non suo, sed alterius

E. 2.0  
H. m.  
Clau  
a C  
Loun

C. 1

terius nomine, *Avers. l. 5. rectè addens, nec requiri certam ætatem, quia quamvis Cap. Q. generaliter, De procurat. in 6. dicatur, procuratores ad negotia debere esse 17. annorum, tamen id non est de valore, nec requiritur in Matrimonio, in quo non exigitur industria procuratorum, sed tantum manifestatio consensûs, hinc nequidem requiritur, ut sit pubes, Sanch. l. 3. d. 1. n. 8. Krim. n. 2185.*

264. §. 7. Si contrahatur per litteras, sponsus scribere debet, quòd se tradat in Matrimonium & sponsam acceptet in uxorem, sponsa autem eorum Parocho & testibus dicere debet vicissim, quòd eum acceptet in maritum, & se tradat in uxorem, sicque erit actuale Matrimonium, etiamsi ille, qui scripsit, tum actu dormiat; *Casus d. 2. p. 9. Spor. n. 234. Quòd si uterque per litteras agat, debet uterque alterius litteras legere coram Parocho & testibus.*

265. §. 8. Per nuntios contrahitur, si hi utriusque mittentis traditionem & acceptationem significant coram Parocho & testibus: Debentque eadem observari, quæ de contractu per procuratorem dicta sunt. Per hoc autem distinguuntur modi contrahendi per procuratores & nuntios, quòd procuratores representent principales & eorum nomine contrahant, nuntii autem nudè significant voluntatem principalium, quòd etiam litteræ solùm agunt.

266. Q. 38. *Actuale Matrimonium inter absentes contrahitur, nunc post Trid. habeat rationem Sacramenti. 1. negant Silv. Canus, Ledesm. Rebell. Cajet. Vial. Et alii que. r. quia sicuti collatio Sacramenti est actio personalis, ita etiam reacceptio videtur debere esse actio personalis, adeòque nullum Sacramenti*